

বাংলাদেশ কেমিক্যাল ইন্ডাস্ট্রিজ কর্পোরেশন

আইসিটি বিভাগ, বিসিআইসি, ঢাকা।

বিষয়: ইনোভেশন টিম/কমিটির মাসিক নিয়মিত ৩৩তম (২০২২-২০২৩ অর্থ বছরের ৪র্থ) সভার কার্যবিবরণী।

০১ ফেব্রুয়ারি, ২০২৩ তারিখ বুধবার সকাল ১০.০০ ঘটিকায় সংস্থার পরিচালক (কারিগরি ও প্রকৌশল)(অতি: দায়িত্ব) এবং ইনোভেশন অফিসার জনাব কাজী মোহাম্মদ সাইফুল ইসলাম এর সভাপতিত্বে বিসিআইসি এর ৫ম তলার কনফারেন্স রুমে ইনোভেশন টিম/কমিটির নিয়মিত সভা অনুষ্ঠিত হয়। সভায় উপস্থিত ইনোভেশন টিম/কমিটির সদস্য/কর্মকর্তাদের নামের তালিকা (জ্যেষ্ঠতার ভিত্তিতে নয়) নিম্নরূপ:

ক্রম	নাম	পদবী
১.	জনাব মোঃ শাহীন কামাল	পরিচালক (উৎপাদন ও গবেষণা) ও সদস্য, ইনোভেশন টিম বিসিআইসি।
২.	জনাব এ বি এম ফেরদৌস	মহাব্যবস্থাপক, আইসিটি বিভাগ ও সদস্য-সচিব, ইনোভেশন টিম বিসিআইসি।
৩.	জনাব মোহাম্মদ জাকির হোসেন	কর্মচারী প্রধান ও সদস্য, ইনোভেশন টিম বিসিআইসি।
৪.	জনাব এস. এম. সোহেল আহাম্মদ	হিসাব নিয়ন্ত্রক ও সদস্য, ইনোভেশন টিম বিসিআইসি।
৫.	প্রকৌঃ সুদীপ মজুমদার, পিইঞ্জ	মহাব্যবস্থাপক(এমটিএস), এমটিএস বিভাগ ও সদস্য, ইনোভেশন টিম বিসিআইসি।
৬.	জনাব মীর মনির হোসেন	মহাব্যবস্থাপক, পিআইডি ও সদস্য, ইনোভেশন টিম বিসিআইসি।
৭.	জনাব মোঃ সলেহ ইবনে শমসের	মহাব্যবস্থাপক, উৎপাদন বিভাগ (আমন্ত্রণক্রমে)
৮.	জনাব মোঃ মেফতউল ইসলাম	বিভাগীয় প্রধান, আরপিডি ও সদস্য, ইনোভেশন টিম বিসিআইসি।
৯.	জনাব কাজী আশরাফুল ইসলাম	মহাব্যবস্থাপক, পরিকল্পনা বিভাগ ও সদস্য, ইনোভেশন টিম বিসিআইসি।

২.০ সভার শুরুতে সভাপতি মহোদয় উপস্থিত সকলকে স্বাগত জানিয়ে সভার কার্যক্রম শুরু করেন। তিনি সভা শুরু করার জন্য ইনোভেশন কমিটি'র সদস্য সচিবকে অনুরোধ করেন। সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান নতুন ইনোভেশন অফিসার এবং নতুন সদস্য হিসেবে হওয়ায় প্রকৌঃ সুদীপ মজুমদার, পিইঞ্জ, মহাব্যবস্থাপক (এমটিএস) ও জনাব কাজী আশরাফুল ইসলাম, মহাব্যবস্থাপক(পরিকল্পনা বিভাগ)কে স্বাগত জানিয়ে সভার কার্যক্রম শুরু করেন। তিনি বিগত ১৬ নভেম্বর ২০২২ তারিখে অনুষ্ঠিত ইনোভেশন কমিটির ২০২২-২০২৩ অর্থ বছরের ৩য় (নিয়মিত ৩২তম) সভার কার্যবিবরণী অনুমোদনের জন্য অনুরোধ করেন। সভাপতি মহোদয় কার্যবিবরণী অনুমোদন করেন। সভায় সর্বসম্মতক্রমে তা গৃহীত হয়।

৩.০ সভায় এ পর্যায়ে সভাপতি মহোদয় ২০২২-২০২৩ অর্থ বছরের ৩য় সভার সিদ্ধান্ত অনুযায়ী বাস্তবায়ন প্রতিবেদন ও এতদসংক্রান্ত তথ্য উপাত্ত উপস্থাপন করার জন্য ইনোভেশন কমিটি'র সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ-কে অনুরোধ করেন।

৪.০. আলোচনা:

৪.১) ইনোভেশন কমিটি'র সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ, বিসিআইসি ২০২২-২০২৩ অর্থ বছরের ৩য় সভার সিদ্ধান্ত বাস্তবায়ন অগ্রগতি নিম্নোক্তভাবে উপস্থাপন করেন।

ক্রম	সিদ্ধান্ত	অগ্রগতি
৫.১	সভায় পূর্ব প্রস্তুতি গ্রহণের লক্ষ্যে সভার নোটিশের সাথে পূর্ববর্তী সভার কার্যবিবরণী পুনরায় প্রেরণ করতে হবে। বাস্তবায়নে: সদস্য সচিব, ইনোভেশন কমিটি, বিসিআইসি।	বাস্তবায়িত
৫.২	বিসিআইসি'র চেয়ারম্যান (গ্রেড-১) মহোদয়ের নিকট থেকে তারিখ ও সদস্য সম্মতি গ্রহণ করে ইনোভেশন কর্মপরিকল্পনার 4IR বিষয়ক কর্মশালা বিসিআইসি প্রধান কার্যালয় এবং নিয়ন্ত্রণাধীন কারখানা/প্রতিষ্ঠানসমূহের প্রতিনিধি নিয়ে নভেম্বর ২০২২ মাসের মধ্যে আয়োজন করতে হবে। বাস্তবায়নে: সদস্য সচিব, ইনোভেশন কমিটি, বিসিআইসি।	বাস্তবায়িত
৫.৩	ডিএপিএফসিএল এর জনাব সামছুল আল আমিন, নির্বাহী প্রকৌশলী (কেমিক্যাল) কে ব্যাগিং প্যাকারস্কেল চ্যুট মডিফিকেশন এর মাধ্যমে ব্যাগড্রপ ৬/৭ থেকে ১০/১১ এ উন্নীতকরণ" শিরোনামের ইনোভেশন পুরস্কার প্রদানের প্রয়োজনীয় ব্যবস্থা গ্রহণ করতে হবে। বাস্তবায়নে: সদস্য সচিব, ইনোভেশন কমিটি, বিসিআইসি।	বাস্তবায়িত

৫.৪	টিএসপিসিএল এর জনাব মো: আতাউর রহমান, ব্যবস্থাপনা পরিচালক কারখানার মিলিং-২ প্ল্যাণ্টে ব্যাগ ফিল্টার স্থাপন শিরোনামের ইনোভেশন পুরস্কার প্রদানের প্রয়োজনীয় ব্যবস্থা গ্রহণ করতে হবে। বাস্তবায়নে: সদস্য সচিব, ইনোভেশন কমিটি, বিসিআইসি।	বাস্তবায়িত
৫.৫	মন্ত্রণালয় থেকে গত ২০২১-২২ অর্থ বছরে উত্তাবনী ধারণা সম্পর্কিত ১টি রেটিং করা হয় ১,২,৩। এটার যে কোন ১টি ইনোভেশন কমিটি ডিজিট করবে। বাস্তবায়নে: সদস্য সচিব, ইনোভেশন কমিটি, বিসিআইসি।	চলমান রয়েছে।
৫.৬	২০২২-২০২৩ অর্থ বছরে ইনোভেশন হিসেবে পুরস্কার প্রাপ্ত হননি এমন সকল প্রস্তাব উপস্থাপনকারী কর্মকর্তাকে পূর্ব সিদ্ধান্ত অনুযায়ী letter of appreciation ও সনদ প্রদানের ব্যবস্থা গ্রহণ করতে হবে। বাস্তবায়নে: সদস্য সচিব, ইনোভেশন কমিটি, বিসিআইসি।	প্রক্রিয়াধীন রয়েছে।
৫.৭	ইনোভেশন কমিটির ২০২২-২০২৩ অর্থ বছরের ৪র্থ সভায় প্রাপ্ত আরও ১৪টি উত্তাবনী ধারণার উপর প্রেরিত তথ্যের উপস্থাপন করতে হবে। এখান থেকে বাছাইকৃত ধারণা সমূহের উপর ৫ম সভায় উত্তাবন ধারণা প্রস্তাবকারীগণ প্রেজেন্টেশন প্রদান করবেন। বাস্তবায়নে: সদস্য সচিব, ইনোভেশন কমিটি, বিসিআইসি।	এ বিষয়ে একটি কমিটি গঠন করা হয়েছে। কমিটি কর্তৃক যাচাই বাছাই করে ৫টি প্রস্তাব short listing করা হয়েছে।
৫.৮	বিসিআইসি কর্তৃপক্ষ কর্তৃক ২০২১-২০২২ অর্থ বছরে অনুমোদিত উত্তাবনী ধারণা “জেএফসিএল এর প্রাইমারী রিফরমার ক্যাটালিস্টের স্বল্পতার কারণে রিফরমার টিউবে রক্ষিত ব্যবহৃত ক্যাটালিস্ট পুনঃব্যবহার করার জন্য নিরাপদে টিউব থেকে অপসারণ করার কৌশল” এর উপর প্রদত্ত পুরস্কার জনাব মোঃ ছাইফুল ইসলাম, উপ-প্রধান রসায়নবিদ, জেএফসিএল গ্রহণ করতে না পারায় চলতি ২০২২-২০২৩ অর্থ বছরে উত্তাবনী পুরস্কার প্রদান অনুষ্ঠানের সময় প্রদান করার জন্য আইসিটি বিভাগ প্রয়োজনীয় ব্যবস্থা গ্রহণ করতে পারে। বাস্তবায়নে: সদস্য সচিব, ইনোভেশন কমিটি, বিসিআইসি।	বাস্তবায়িত।

সভায় গত সভার সিদ্ধান্ত ৫.৫ এর বিষয়ে জানতে চাওয়া হলে ইনোভেশন কমিটি'র সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ জানান এ বিষয়ে মন্ত্রণালয় থেকে উত্তাবন প্রদর্শনী (শোকেসিং) এর মূল্যায়ন কমিটির কর্তৃক নিম্নোক্ত ০৪টি দপ্তর/সংস্থাকে ১ম, ২য়(যৌথ) এবং ৩য় হিসেবে নির্বাচন করা হয়েছে।

১। বাংলাদেশ ক্ষুদ্র ও কুটির শিল্প কর্পোরেশন (বিসিক) ২। (ক) এসএমই ফাউন্ডেশন (খ) বাংলাদেশ ইম্পাত ও প্রকৌশল কর্পোরেশন(বিএসইসি) এবং ৩। বাংলাদেশ ইনস্টিটিউট অব ম্যানেজমেন্ট (বিআইএম)।

সভাপতি বলেন বিএসইসির উত্তাবনী ধারণার সাথে আমাদের মিল রয়েছে। বিএসইসির ইনোভেশনসমূহ পরিদর্শন করা যেতে পারে। ইনোভেশন কমিটি'র সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ জানান যে, বাংলাদেশ ইম্পাত ও প্রকৌশল কর্পোরেশন(বিএসইসি) এর দুটি উত্তাবনী ১। অনলাইন কেইস ম্যানেজমেন্ট এবং ২। স্বয়ংক্রিয়ভাবে পাইপের হিট ড্রিটমেন্ট রয়েছে। মহাব্যবস্থাপক(এমটিএস), এমটিএস বিভাগ এ বিষয়ে একমত পোষণ করেন। অনলাইন কেইস ম্যানেজমেন্ট এর জন্য জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ এবং আইন উপ বিভাগের মহাব্যবস্থাপক জনাব আহসান কুদ্দুস কুন্তল পরিদর্শন করতে পারেন। স্বয়ংক্রিয়ভাবে পাইপের হিট ড্রিটমেন্ট এর জন্য জনাব জনাব কাজী আশরাফুল ইসলাম মহাব্যবস্থাপক, পরিকল্পনা বিভাগ এবং জনাব মোঃ মেফতাহুল ইসলাম বিভাগীয় প্রধান, আরপিডি পরিদর্শন করতে পারেন। সভায় এ বিষয়ে একমত পোষণ করা হয়।

সভায় গত সভার সিদ্ধান্ত ৫.৬ এর বিষয়ে letter of appreciation সনদ প্রদানের জন্য সভায় নির্দেশনা প্রদান করা হয়।

সভায় গত সভার সিদ্ধান্ত ৫.৭ এর বিষয়ে জানতে চাওয়া হলে ইনোভেশন কমিটি'র সদস্য সচিব জনাব এ বি এম ফেরদৌস, মহাব্যবস্থাপক ও বিভাগীয় প্রধান, আইসিটি বিভাগ জানান ইনোভেশন কমিটির ২০২২-২০২৩ অর্থ বছরের ৪র্থ সভায় প্রাপ্ত ১৪টি উত্তাবনী ধারণা যাচাই বাছাইয়ের জন্য একটি কমিটি গঠন করা হয়। কমিটি উক্ত ১৪টি উত্তাবনী ধারণা যাচাই-বাছাইপূর্বক নিম্নোক্ত ৫টি উত্তাবনী ধারণা নির্বাচন করেছেন:

- ১। জনাব সেন সুখেন চন্দ্র, মহাব্যবস্থাপক(অপারেশন), টিএসপি কমপ্লেক্স এর এসএ-২ প্ল্যান্টের সেকেন্ড ইকনোমাইজার আউটলেট গ্যাসের তাপমাত্রা নিয়ন্ত্রণ, ডেমি ওয়াটার ড্রেনরোধসহ মাল্টিপল বেনিফিট অর্জন।
- ০২। জনাব কাজী মাসউদুর রহমান, উপ-প্রধান প্রকৌশলী (বিদ্যুৎ), ডিএপি ফার্টিলাইজার কোম্পানী লিমিটেড এর প্ল্যান্ট-১ এর প্রাইমারী স্ট্রীন (S-251) Control System Modification করা।
- ০৩। জনাব তরিকুল আলম, সহকারী প্রকৌশলী, যমুনা ফার্টিলাইজার কোম্পানী লিমিটেড এর 3D Printing Technology ব্যবহারে মাধ্যমে High Voltage Panel (6.6kv) এ ব্যবহৃত অকেজো 86 Lockout Relay সমূহ পুনঃব্যবহার যোগ্য করে তোলা।
- ০৪। জনাব মুহাম্মদ আসাদুজ্জামান, উপ-প্রধান রসায়নবিদ শাহজালাল ফার্টিলাইজার কোম্পানী লিমিটেড এর ইউরিয়া ও এ্যামোনিয়া প্ল্যান্ট থেকে সরবরাহকৃত Process Condensate লাইনে ওয়াটার কুলার স্থাপন করা।
- ০৫। জনাব মোঃ সলেহ ইবনে শমসের, মহাব্যবস্থাপক, উৎপাদন বিভাগ, বিসিআইসি এর সময় এবং ম্যানপাওয়ার কম ব্যবহার করে কারখানাসমূহে ক্রয় প্রক্রিয়া সম্পূর্ণকরণ।

সভাপতি মহোদয় উক্ত ৫টি উদ্ভাবনী ধারণা যারা প্রেরণ করেছেন তাদের বক্তব্য উপস্থাপনের জন্য বলেন। অনলাইনে যুক্ত থেকে তারা তাদের বক্তব্য উপস্থাপন করেন। মহাব্যবস্থাপক (এমটিএস) বলেন প্রতিটি উদ্ভাবনী ধারণার টেকনিক্যাল এবং ফাইন্যান্সিয়াল পুফ থাকতে হবে। কতটুকু সাশ্রয় হবে নির্দিষ্ট করে বলে প্রস্তাব আনতে হবে। সভাপতি মহোদয় বলেন উক্ত ৫টি ধারণা মধ্যে ১-৪টি ধারণাসমূহের বিষয়ে আগামী ০৭ দিনের মধ্যে সুনির্দিষ্ট প্রস্তাব আনতে হবে। ৫ নং ধারণার বিষয়ে হিসাব নিয়ন্ত্রক এবং মহাব্যবস্থাপক(বাণিজ্যিক) এর মতামত নেয়া যেতে পারে। পরিচালক(উৎপাদন ও গবেষণা) বলেন প্রতিটি ধারণাতে সুস্পষ্টভাবে সময় ব্যয় বা প্রসেসে কি পরিমাণ সাশ্রয় হচ্ছে সে তথ্যাদি সংগ্রহ করে আগামী ১৫(পনের) দিনের মধ্যে একটি সভা করে সিদ্ধান্ত নেয়ার বিষয়ে মতামত দেন।

সভায় পেন্ডিং কার্যক্রম নিয়ে আলোচনা করা হয়। জনাব এ বি এম ফেরদৌস বলেন এপিএ এর মধ্যে ইনোভেশন এবং ই-গর্ভন্যান্স যুক্ত হয়েছে। সিটিজেন চার্টারের মধ্যে সেবা হিসেবে টিএসপিসিএল সার কারখানার মিলিং-২ প্ল্যান্টে ব্যাগ ফিল্টার স্থাপন শিরোনামের ইনোভেশন পুরস্কার প্রাপ্ত জনাব মোঃ আতাউর রহমান, ব্যবস্থাপনা পরিচালককে দুকাতে হবে। সভাপতি মহোদয় বলেন এ পর্যন্ত মোট কতটি ইনোভেশন পুরস্কার দেয়া হয়েছে। এ বি এম ফেরদৌস বলেন বিগত ৪(চার) বৎসরে মোট ১৮টি পুরস্কার দেয়া হয়েছে তার ডাটাবেজ ওয়েবসাইটে দেয়া হয়েছে। তিনি আরো জানান 4IR কর্মশালা প্রাক্তন চেয়ারম্যান মহোদয় অনুমোদন দিয়ে গেছেন। কর্মশালাটি করা যেতে পারে বলে জানান। ৪টি ট্রেনিং এ বছর আছে। এর মধ্যে ২টি ই-নথির উপর প্রশিক্ষণ করা যেতে পারে। সভাপতি মহোদয় বলেন ই-নথির ব্যবহার বাড়াতে হবে। ফ্যাক্টরী থেকে লোকজন আসে বিভিন্ন কাজের জন্য যে কাজগুলো ই-নথিতে হলে অর্থের সাশ্রয় হবে। জনাব এ বি এম ফেরদৌস বলেন বার্ষিক কর্মপরিকল্পনায় 4IR এর কর্মপরিকল্পনা করা হয় নাই। এ বিষয়ে কারখানাসমূহে ২০২২-২৩ অর্থ বছরের শুরুতে পত্র দেয়া হলেও কোন উত্তর আসে নাই। গত ২৬/১২/২০২২ তারিখে অনুষ্ঠিত 4IR কর্মশালায় ১২টি প্রস্তাব পাওয়া যায়। ইনোভেশন কমিটি থেকে ৩(তিন) সদস্যবিশিষ্ট একটি সাব-কমিটি গঠন করে দেয়া হয়। তাদের রিপোর্ট পাওয়া গেছে যেখানে ৪টি বিষয় অন্তর্ভুক্ত রয়েছে। পরীক্ষান্তে দেখা যায় যা স্বয়ংসম্পূর্ণ নয়। সেজন্য 4IR এর উপর ৪(চার) সদস্যবিশিষ্ট ১টি কমিটি গঠন করা যেতে পারে। উক্ত কমিটিতে থাকবে ১। বিভাগীয় প্রধান, আইসিটি বিভাগ ২। মহাব্যবস্থাপক(এমটিএস) ৩। মহাব্যবস্থাপক, পরিকল্পনা বিভাগ এবং ৪। মহাব্যবস্থাপক, আরপিডি।

৫. সভার সিদ্ধান্তসমূহ:

৫.১) সভায় পূর্ব প্রস্তুতি গ্রহণের লক্ষ্যে সভার নোটিশের সাথে পূর্ববর্তী সভার কার্যবিবরণী পুনরায় প্রেরণ করতে হবে।

বাস্তবায়নে: সদস্য সচিব, ইনোভেশন কমিটি, বিসিআইসি।

৫.২) শিল্প মন্ত্রণালয় কর্তৃক প্রদত্ত বিএসইসির পুরস্কার পরিদর্শনের জন্য নিম্নোক্তভাবে কমিটি গঠন করা যেতে পারে:

(ক) স্বয়ংক্রিয়ভাবে পাইপের হিট ট্রিটমেন্ট এর জন্য জনাব মোঃ সলেহ ইবনে শমসের, মহাব্যবস্থাপক(উৎপাদন), জনাব মোঃ মেফতাইল ইসলাম বিভাগীয় প্রধান, আরপিডি ও জনাব কাজী আশরাফুল ইসলাম মহাব্যবস্থাপক, পরিকল্পনা বিভাগ পরিদর্শন করে বিসিআইসিতে বাস্তবায়ন করা যায় কিনা সে বিষয়ে একটি পূর্ণাঙ্গ প্রতিবেদন আগামী সভায় উপস্থাপন করবেন।

(খ) অনলাইন কেইস ম্যানেজমেন্ট এর জন্য জনাব এ বি এম ফেরদৌস, বিভাগীয় প্রধান, আইসিটি বিভাগ এবং আইন উপ বিভাগের মহাব্যবস্থাপক জনাব আহসান কুদ্দুস কুত্তল পরিদর্শন করে বিসিআইসিতে বাস্তবায়ন করা যায় কিনা সে বিষয়ে একটি পূর্ণাঙ্গ প্রতিবেদন আগামী সভায় উপস্থাপন করবেন।

বাস্তবায়নে: সদস্য সচিব, ইনোভেশন কমিটি, বিসিআইসি।

৫.৩) টিএসপিসিএল এর জনাব মো: আতাউর রহমান, ব্যবস্থাপনা পরিচালক কারখানার মিলিং-২ প্ল্যাটে ব্যাগ ফিল্টার স্থাপন শিরোনামের ইনোভেশন সেবা হিসেবে সিটিজেন চার্টার এ অর্ন্তভুক্ত করার জন্য সিটিজেন চার্টার প্রস্তুতকারী কমিটিকে অনুরোধ জানিয়ে পত্র দিতে হবে।

বাস্তবায়নে: সদস্য সচিব, ইনোভেশন কমিটি, বিসিআইসি।

৫.৪) ২০২২-২০২৩ অর্থ বছরে ইনোভেশন হিসেবে পুরস্কার প্রাপ্ত হননি এমন সকল প্রস্তাব উপস্থাপনকারী কর্মকর্তাকে পূর্ব সিদ্ধান্ত অনুযায়ী letter of appreciation সনদ আগামী ১৫/০২/২০২৩ তারিখের মধ্যে প্রদানের ব্যবস্থা গ্রহণ করতে হবে।

বাস্তবায়নে: সদস্য সচিব, ইনোভেশন কমিটি, বিসিআইসি।

৫.৫) ৫টি ধারণা মধ্যে ১-৪টি ধারণার আগামী ০৭ দিনের মধ্যে সুনির্দিষ্ট প্রস্তাব আনতে হবে। ৫ নং ধারণার বিষয়ে হিসাব নিয়ন্ত্রক এবং মহাব্যবস্থাপক(বাণিজ্যিক) এর মতামত নেয়া যেতে পারে।


বাস্তবায়নে: সদস্য সচিব, ইনোভেশন কমিটি, বিসিআইসি।

৫.৬) আগামী ১৫(পনের) দিনের মধ্যে ইনোভেশন কমিটির একটি সভা করা যেতে পারে।

৫.৭) 4IR বিসিআইসিতে কিভাবে ও কত দ্রুত সময় Adopt করতে পারে সে বিষয়ে সুপারিশ প্রণয়নে ১। বিভাগীয় প্রধান, আইসিটি বিভাগ-আস্ফায়ক ২। মহাব্যবস্থাপক(এমটিএস) ৩। মহাব্যবস্থাপক, উৎপাদন বিভাগ ৪। মহাব্যবস্থাপক, আরপিডি এবং ৫। মহাব্যবস্থাপক, পরিকল্পনা বিভাগ এ ৫(পাঁচ) সদস্য বিশিষ্ট একটি কমিটি গঠন করা যেতে পারে। কমিটি আগামী ৩১/০৩/২০২৩ তারিখের মধ্যে সুপারিশসমূহ ইনোভেশন কমিটির সভায় উপস্থাপন করবে।

বাস্তবায়নে: সদস্য সচিব, ইনোভেশন কমিটি, বিসিআইসি।

সভায় অন্য কোন আলোচ্য বিষয় না থাকায় সভাপতি মহোদয় সকলকে ধন্যবাদ জানিয়ে সভার সমাপ্তি ঘোষণা করেন।



কাজী মোহাম্মদ সাইফুল ইসলাম
পরিচালক (কারিগরি ও প্রকৌশল)(অতিঃ দায়িত্ব)

এবং

ইনোভেশন অফিসার, বিসিআইসি।